

海浮山堂詩稿

海浮山堂詩稿卷之三

五言律詩

度山海關

此關信天險咫尺不同風樓外沙全黑城中
桃自紅海雲迷故國朔氣振飛蓬三月春如
此勞歌思不窮

登泰山

我來登泰岱不負古今聞灝氣吞山色宮烟
雜海雲洪濛如未闢時序故難分秦漢多奇

跡皇虞不勒勲

春日飲別業二首時舍弟泊維揚未至
一亭山對戶野外自生涯芳樹飛紅雨清尊
泛紫霞雲移塵榻暗風動角巾斜坐客皆春
服悠悠玩物華

佳節去匆匆良遊此日同風煙三月半杯酒
萬花中綠柳尋彭澤丹砂叩葛洪却憐江上
客悵望北來鴻

與大名申潞石

偶此鮮塵纓才華謝友生雄篇星日動醉墨
鬼神驚瑞氣分周岳蒲輪走漢京相逢仍別
去感歎幾時平

臨清訪方兩江適見過邀飲乃別館也
戲贈二首

未叩談玄宅來遊曲水阿依違思往事慷慨
俯洪波盤錯黃金鱸杯行碧玉荷夜來狂入
夢猶聽麗人歌

幽意倚微熏朦朧語未分帶將心共結簾與

臂同文柔髻籠銀縷輕綃剪素雲晚涼歸興
懶緩步引餘芬

再過臨清與方兩江

舊別盈盈月今來處處花不緣披蕙帳誰復
纜星槎齊魯聖賢地東南著作家君才元不
偶姓字遍天涯

歷下相逢日酣歌湖水湄書嫌右軍小賦笑
左思遲病卧疎音訊貧交足歲時上林春更
到認取未開枝

楚蘭咏代人有贈

靈脩今寂寞幽谷有芳根
誤落烟塵裡羞爲桃李繁
金風迴舞態玉露下啼痕
公子遊何處緘情無片言

題沈南湖輓親冊

江鄉幾千里一望淚潛潛
細草青幽隴孤雲白遠山
逢時恩命渥何日舞衣斑
獨有歸依夢清宵一往還

鳳鑰開三殿龍章下九重
日臨天語近雲護

墨花濃勲業酬先德韶華逐暮鍾
來言桑梓意悵望二高峯

贈隱山上人

寂寞禪林舊蕭然淨六塵
馴龍猶在鉢古栢不知春
水月真心印天花大法輪
漸看茲世幻持此照迷津

重陽雨中邀徐順之

莫怕重陽雨黃花幾倍開
百年此清景孤悶付深杯
縱不登高去還須訪舊來
如何愁裡

坐四顧但荒齋

送朱雲巖任寧波郡丞

秋風動川陸涼月滿江干
盡說放船好誰言
行路難吳儂三卧轍
越客幾移官處處佳山
水分明爲謝安

公歷四邑二郡俱吳越地又任南司諫

送董西嶼令建平

有時罷垂釣送君溪水濱
誰共割雞者乃是
秦龍人西北仍戎馬
東南太苦辛
好將漢廷策去作五湖春

題江湖萍跡卷其人嘗爲邑博士

浪遊無遠近只在大江干
淮海平潮晚匡廬
秀色寒高齋雲共宿薄祿鶴同餐
吏隱猶形
役年來總罷官

同縣令王淮川廣文祝豫川嚴石谿夏
草堂邑人遲胸胸馬合川張龍田遊仰

天山寺六首

萬壑藏孤剎吾生此再登
檐前青嶂合樹底
白雲層浮世多巖嶮深
亦廢興閒看入定

者無復向來僧

共作暮春遊何妨信宿留諸天環榻近一水
穴山流曲磴成花塢平巔半麥疇無邊竒絕
處欲往重夷猶

問俗便乘興禾生綠滿郊雲擎三月雨風打
萬年巢染翰翰賢達飛觴逮草茅前旌將梵
樂縹緲入山坳

仄迳攢危石荒坪匝古苔穿雲隨鳥去勒馬
避樵來野藿莖新摘山精葉旋開東南佳客

在不必問天台

絕壁觀音窟蛟龍互攫掣側身分顯晦回首
失烟霞骨肉空遺墨乾坤老歲華危闌凭不
得掩淚一長嗟

見壁上
亡兄題詩

漸覺微名誤年來學卧雲幽期元不淺福地
欲平分洞濕垂丹乳碑傾剩碧文酒醒君且
去吾與鹿爲群

贈路叟舉鄉飲其孫克慎游鄉校

家聲緣世舊迺遷動齊京俎豆輝前達詩書

啓後生愚公猶喜健彥伯已知名細酌清時

水長歌一振纓

時水出臨淄縣

冬夜茅堂小集次袁廣文一川韻

海天新霽雪六轡駐茅堂不作通宵飲其如
列炬芳高賢拚後樂疏糲媿先嘗爲愛陽春
闕揮毫意欲翔

初到涑水第適視學兩淞過駐邑齋分
携愴念偕賦六章

飛軒指赤城迢遞起孤征短髮慙簪冕浮名

隔弟兄邑齋新月霽江路片帆輕去住丹心
切相將荅 聖明

他鄉復言別岐路更依依枳棘心猶壯風雲
願已遠距能忘出處端不爲輕肥會渡滄浪
水殷勤慰釣磯

朱曦迴宇宙冉冉火雲生把袂非無淚驅車
各有行文星持國憲苦節紹家聲老大吾爲
宰初諧吏隱情

昭王延國士鄒衍舉齊中十室封疆舊千山

氣象雄匡時便小邑覽古有遺宮臺圯黃金
盡惟餘草樹叢

明族祗行役中懷重鬱紆無緣同羽翰何事
唱驪駒舊別依鄉縣新愁入宦途相隨不覺
暮還復立斯湏

文獻推吾第操觚偏惠連感時能作賦惜別
動經年歸夢渾無賴離魂倍黯然長歌悲哽
咽爲續鵲鵲篇

題吳欽天壽親卷

冠裳崇世德太史舊專門東國迴斑彩西秦
轉畫轅長春開壽域淑氣滿晴軒人日明朝
是當筵花勝繁

乃弟鞏昌太守
其子出使東藩

保郡城南同霸州守張白原小集王氏
園亭

城下百花臺城中步月來偶逢同笑語暫喜
隔塵埃文雅三秦彥循良兩漢才明朝恐馳
逐深夜未停杯

輓沈處士

不作地行仙飄然俯八埏玉京元有鍊丹竈
已無烟影落孤村月寒生百丈泉俗緣猶未
盡留得路人憐

輓張孺人

返照暎孤萱空堂二十年幸餘先德在況有
後人賢風嘯溪前樹雲停郭北田親知無遠
近把紉一潸然

輓李處士

幽人何處問只在海雲邊盤谷成真隱長庚

啓後賢涼風吹古道佳氣藹新阡却憶耆英
會親知倍黯然

輓李四岩

蚤歲振文園孤標衆所尊字能方北海詩復
似西崑高話夜呼酒窮搜畫掩門獨將數行
淚揮灑悼英魂

輓內兄石左海卒于官歷歲方克襄事
靈傑擅青陽多君世業長仙鳧一飛舉花縣
幽芬芳近麓開新隴遙魂返故鄉無嗟弗得

見今始慰深藏

冬日城意伯劉石圃第宅宴集得初字
客子悲歌日群公授簡初共欣尊有酒不歎
食無魚霽月澄璇砌寒烟薄綺䟽獨慚吟未
穩何以報瓊琚

次韻呈荅石圃

生計空長劒驚人有二毛忘形承麗澤感舊
得綈袍清切京華地昂藏湖海豪俠門叨上
客况復並仙曹

江間山張五嶽二山人主社見招予以
雪阻未至分韻二首得歌字

夢筆心猶壯田舟興若何
夙欽高士傳時聽郢人歌
雲卧寒生剌風簷雪入多
素安太迂懶勝事每蹉跎

得心字

重到燕臺下空慙江海心
厭厭羈旅夕漠漠帝城陰
高調誰能和幽期不可尋
蒼茫風雪裏削迹遠公林

十三夜石圃席上觀燈二首得豐字

春祈勞聖主臣庶愜年豐
瑞彩煙霞際燈輝雪月中
五侯開邸第四座籍帟幪
委巷謳歌匪因之獻國風

得時字

灑翰推華胄承家自得師
宴遊諧雅尚休沐及良時
愛客觴飛淺張燈漏下遲
嚴城初輟禁萬戶仰恩私

同龔玉淵訪丁復菴至則移居訊之弗

得

復菴爲新城
令棄官學仙

向曉出城郭言尋丁令威偶從岐路側獨憶
舊家扉不作仙兒墮還爲野鶴飛相看兩如
失惆悵未同歸

喜舍弟書到二首

天涯吾弟兩客裏歲華催候鴈因春至家書
傍月開千通劍道三晉淨氛埃骨肉深相
慰懸知足下才

屢報胡兵入玄谷度岢嵐左賢新就縛上將

莫停驂草木知無恙
烝黎故不堪酬
恩方
在此何事欲投簪

題崙山耕舍

粵南多藻彥之子振芳音道以三山重居從
萬壑深花幽黃蝶趁洞小綠苔侵端坐還成
味因窺千古心

初夏集方定溪第

城闕靚朱扉歌鍾入翠微
蝶將春色度燕拂
雨絲飛繞院藤花白翻渠
荇葉肥主人發郢

調和客倍光輝

天壇翟樓村主社小集次韻

郊圻春事輟客子未言歸幽徑人聲入高樓
樹色依憑闌詩律就隔座羽觴飛會理江淮
楫東山老蕨薇

五岳張山人將登恒山題贈

乾坤長寄傲騷雅已沉酣五岳今遊北三吳
舊指南深棲雲作屋高駕鶴爲驂獨有趨名
者看君意自慙

曲池草堂題咏

淑景輝群動
遙村車馬稀
亭亭升海旭
冉冉散林霏
叢篠斜通逕
紆流半作圍
歲時成獨憇
俛仰達圓機

陳橫厓赴調湘中

疇昔一爲別
相親復帝鄉
宦情移百里
騷客向三湘
斗酒燈猶燦
滄洲興詎忘
待予泊京口
早晚叩雲房

孫鴻臚席上咏櫻桃得懸字

含桃玼內苑錦樹競鮮妍露浥肌逾膩風牽
顥自圓莫教紅玉破常喜絳珠懸近侍新傳
賜恩光到綺筵

青縣官舍

墻斷漲沙沉檐佢息土侵洪河流廨下老樹
覆成陰北地來文舫南薰爽客襟長安那復
近去時日駸駸

次興濟感事留示馮雲亭時方不理於

口

歸騎迷荒渡空城枕瀟河官閒公吏少邑小
弊民多一嘆一回老三竿三度過馮唐吾與
汝勲業近如何

瀛南道中

熟復燕齊路頻年事薄遊鳥音通故國風色
似邊州水到天津合雲看日觀浮紅塵何處
斷瀟灑羨雙鷗

過慶雲書所見燕東熊荆野

麥秋不滿意野老帶愁看地利古來薄天時

近屢乾難酬千畝籍乞得一分寬邑有慈明
宰虛心問治安

喜達陽信北鄙

征輶入鄉縣風物忽然殊麥浪翻新綠葵心
簇艷朱草茅成聚落原野有農夫回首都南
道驚沙捲白燕

和陳芝嶽賞花醉歸馬上口占次韻

小園藏麗景淑氣透年芳魚上萍分綠鶯遷
柳度黃團陰徐促席高話細飛觴數共名花

笑徘徊太劇狂

同呂甬東登長山

背郭猶踈雨登山入晚晴
鳥從霞外度人向
畫中行澗草香初合江光遠更清
一尊相與酌聊慰故交情

由長山却尋招隱蘭若小憇

不盡登臨興凌虛四望遙
平田分石溜古寺
嵌山椒綠樹深啼鳩藍輿
及度橋伊余便吏
隱投老莫須招

登焦山謁隱君祠次韻

山靈自開闢中古屬高賢
磴嚙穿雲屐巖飛漱月泉
眼前無大地象外有諸天
翹首聞笙鶴飄飄馭列仙

京口有懷都下舊遊

頃諸君蹤跡換異
黎瑤石遷留都

崙山官維揚相離伊邇良晤無繇瓜
渚黃見源時一相過與話舊事云爾

幽齋寡儔侶端坐憶京華
群飲大官酒行看上苑花
聖朝歌帝力妙思發天葩
此日三江近烟波各一涯

秋日同社集鶴林院兼贈聰上人得來字

浩蕩乘秋興
翱翔作賦才
人從青嶂入
社向白蓮開
殿古留雲氣
碑殘翳草萊
道林知選勝
昨夜錫飛來

即席併次諸公分韻之作因以荅謝十首

杲日移南陸
秋濤俯北江
不因隨杖屨
安得到山窓
雲子炊僧飯
天花繡佛幢
詩成金擲

地飲劇玉爲缸

樵路峯巒合禪房水竹通清光鑑石鼎秋色
落山楓舊事存孤刹長歌有數公伊余好奇

字即席叩楊雄

石鼎并几精工
瑩徹前朝物也

耽詩成夙癖聲價動江關古調應難和高風
信可攀靜綠依鷺嶺秋興到龍山莫作臨岐
別天台採藥還

山巘碧陰森幽期此共臨行呼元亮酒坐鼓
伯牙琴經梵還晨夕興衰自古今月菴移水

檻寂寂見禪心

月菴即聰也寺已久廢同社薦聰住持此山稍圖興復

爲愛山中寺相携酒一罇社花紅冉冉秋草

白翻翻茂叔流風遠元章遺像存地靈今不

異千載尚文園

社花似山丹而深赤以社日開故名

倚杖清涼地歸人入暝烟不煩青鳥使共在

白雲篇轉壑藏松塢分溪漱石田桃源堪遁

世出洞莫相傳

客心舒睡望蟬響散林柯靈境紅塵絕深山

黃葉多松窓連野壑石榻隱藤蘿回首憑高

處空江起夕波

廢寺憐歸鶴寒潭隱卧龍
席移林籜下杯盡
野人供晚照懸危堞晴嵐接遠峯
入郊光景
換拍岸翠波重

金飆涼藝圃珠露濕慈雲
獨立千山見清談
四座聞風流真不忝
瀟灑迥難羣已染余心
醉非關對酒醺

塵鞅逃無計微名縛未休
論文方有託感遇
豈勝秋澗道通三徑山
花笑九流何如垂釣

者日日坐江頭

次司空林肖翁遊金山之作併和郡守
秦明翁

高標窮地軸內境見天根象以金蓮現靈依
寶刹存白鷗翻浪淨玄鴈入雲昏詩派通禪
品今傳正法門

同社小集甘露寺喜王竹區將有謁選
之行分韻賦贈得心字

端居塵務息林卧歲華深無復投珠忌長懷

獻玉心涼風清祖道淨境合朋簪莫負匡時
策還同惜別吟

渡瓜洲訪黃見源宿於呂茂才樓館黃
國子龔茂才共集時十月幾望猶未立

冬漫賦四首

秋光猶未盡客興尚堪乘採菊踐霜露涉江
尋友朋蒜山形勢割瓜渚幅員增地利從茲
遂人文必有興

將迎不適意對君方破顏舳舻來萬里樓閣

拱三山秉燭夜向寂停杯心欲閒更聞天上
使旦暮駐江關

夙昔在天涯相逢便賦詩從來稱國士別去
憶京師放謫餘千里風霜歷四時感君多意
緒憐我髮成絲

春中當少年仗劍楚江邊玉石恐俱燬金湯
俄晏然風塵悲往昔雲路滯豪賢近有詞章
好猶能爲爾傳

往年倭寇至瓜洲見源方弱冠爲鄉人推重率衆禦賊且

上議願共築城以守至今賴之

遊句曲孔東山園

八首

負郭園成趣緣溪路不賒山如青玉案樹擬
赤城霞燒竹烹新笋因風掃落花客來陳俎
豆莫作野人家

偃蹇山城裏低回半月強出門聊曠達散步
且徜徉蝶粉粘芳蕊鶯聲下遠楊主人初命
酒塵俗笑相忘

老圃吾能學東山爾亦登長年望宗國勝日
引高朋禮度還三代韶華自五陵青郊生意

好春在木香棚

窈窕深棲處縈紆細徑通公車
諳地僻社鼓報時豐飛閣斜連樹
浮面正挿空只疑城裏寺并在此園中

吏事成予拙閑情羨爾長吳門
今促席魯國舊同鄉掃地供賓旅
按典章飛花浮酒筴香色共芬芳

卉木來殊域鶯花萬國同
映空天竹翠隔歲石栴紅
臺榭迎朝旭林塘漾煖風
小園名獨

樂渾似洛城中

身隱少塵累林幽似太初子孫存典則風俗
自淳如洗硯松泉淨攤經草閣虛清談坐來
久隨意摘春蔬

瓦徑麓成甃花軒小結茅龍渠疏地脉雉堞
拂林稍書癖逢元凱詩窮有孟郊重來論交

處蓬戶不須敲

孔氏名聞詩號東山宋南渡時有官潤州教授者子孫因

家於句容至東山兄弟遂為江東望族其
禮度習尚雅有周魯遺風云余今以潤州
教授有事於句容因同僚孔龍岡氏主於
其家負郭小園乘春遊豫亦遣塵想也

歸鶴詠和姚秋澗有序

佳亭蠲暑深院披襟塵氣不得觸人矣鶴
歸之事已自清新詠賦詞又悉冲逸種種
可人遂忘僭務晚憇客署欣賡四章

不分山人去祗緣蕙帳空九臯寧在野六翮
且乘風水石情猶重雲霄興易窮歸來知未
晚恰與主人同

忽墮干霄翼人歸鶴自歸却愁天路杳共悟
昨時非花露醒仙夢溪雲悅羽衣自今忘去

住不是倦高飛

達士便幽躅靈禽戀德門
歸飛如有約飲啄
豈忘恩水靚新翎色苔荒舊趾痕
栖遲勝遐
舉深意在名園

竹徑還宜僻松巢不厭低
羽儀憐自得胎息
認幽栖雲外避矰弋
山中隨杖藜主人還白
杜鶴亦下青溪

同金白嶼文雁峯避暑仕隱園出遇小
雨喜而短述尋復止時諸道苦旱遠近

祈禱焉

地即能消暑人堪用作霖

聖皇修已詔臣子籲天心四國遙難問三農
太不禁出門聊稱意飄灑濕衣襟

禾整田天力難成喜雨詩雲雷空自慰霈澤
竟多疑省月惟卿士憂時有耄倪四方災異
遍惆悵欲何之

秋日小園雜興

幽人一畝宮山勢亦龍嵒墻上豆花白水中

萍葉紅松篁移晝日城堞起秋風官舍親農
圃蕭然故國同

心期在登眺齋舍更依山鈴閣金風振朱扉
白晝闕清貧憐客少流落羨官閒秋色暗無
際都歸俯仰間

客至無公事從容一問竒簾疎常不捲榻小
欲頻移鳥跡斜書砌瓜藤密護籬誅茅消歲
月偃蹇恰相宜

鑿井學安王爲山似隱居閒情使水館薄祿

又園蔬草木含元化池塘浸太虛悠然塵事
亦夢亦到華胥

主崑山東俞仲蔚梁伯龍

獨有崑山秀應多種玉人望閭尋大隱鼓棹
度重閩疇昔披文藻于今識性真幽期如不
負高話五湖濱

婁江訪王鳳洲麟洲不遇因同郭五遊
返棹二首

惆悵迴孤棹無因見二難海壖潮滾滾澤國

卷之六
五十二
在湯漫欹枕還勞夢披衣尚怯寒子歎
盡心道一也

欲話一別還看二月花高情虛此夕玄論
復誰家緩帶露臺露化檣挂曉霞川塗恐相
失佇立認仙槎

呂山人過訪仰高亭同姚伯子飲

謫宦不知久遊人自好奇我辭東道主誰勒
北山移白社頻呼酒黃花近滿籬相看莫輕
折華髮恐非宜

海浮山堂詩稿卷之四

七言律詩

雪中望劈山

對雪面山得仙趣
湏臾幻出真蓬萊
巨靈捐珮玉珎缺
壯士揮戈銀甲開
風穿四壁吹不徹
酒隔一籬呼未來
牢落只今悲歲晚
肯於草閣暫停杯

憶弟

烟霞穩護東山卧
景色蕭森何處樓
清時寄

傲信偃蹇薄暮懷人悵夷猶指點浮雲古今
事吁嗟墮籀天地秋側身望遠歌三發西風
吹我休不休

送李陽坡還京時爲大理評事

殊恩暫許覲親還畫錦真成五色班南極未
應愁鶴髮西曹只合侍龍顏吟從祖道先
看菊行入重陽別有山綏轡不妨臨眺興白
雲深處是鄉關

尋濟陽黃海岱不遇

款段衝泥日易斜，經旬纔上小清槎。
旋呵彩筆題雲樹，自把瑤卮對雪花。
叔度雅懷能忘物，春申豪氣不謀家。
無情最是山陰月，也伴歸人到海涯。

送李岱東任寶應博士

清淮亭轉片帆輕，白馬湖深宿雨晴。
秋水芙蓉憐獨秀，春風桃李咲相迎。
名山到眼新詩興，別墅移舟故國情。
此日且拚河朔醉，閑官不信有王程。

送嚴石谿博士稍遷嵩邑便歸省母

北地風高雪霰飛出門何處戀輕肥
十年三徙官猶冷千里孤征客始歸
故國漫撩何遜興先春却換老萊衣
可憐片月搖湖水誰叩山家白板扉

山村候石谿見過不至戲柬促之始次
七賢村蓋去邑城十里爾

處處雪殘晴更好山山粉黛爲誰妍
兼程莫訝今三宿勝蹟還尋古七賢
豈有高情留罄

歎幸無輕騎隔風烟故人鎮城頭望只在
滄茫野水邊

既聞命駕追與之別次五谿韻二首

蚤年已著進賢冠遲暮無嫌甜一官爲謝山
窓憐我病定知詩酒繼君難沉淅夜渡風穿
袖古店晨興月滿鞍珍重臨岐仍握手相將
杖策入長安

中夜呼童起漉酒平明策蹇送離人山頭問
訊悲前路雪裏依稀識後塵儒術謀身知不

賤奚囊隨手未全貧
江舟咲向梅花去折得
南枝寄早春

賦得雪中栢次馬合川韻
兼呈石谿
山寺經行憐古栢
關河從此賦離群
孤根已自乘陽氣
直榦還看挿凍雲
荏苒歲時長不改
昂藏雪月兩平分
青青總爲添行色
咲殺先生冷廣文

輓馬合川二首

未買青山老此身
不堪原憲一生貧
黃金臺

畔聲名舊白玉樓中翰墨新月夜近聞談往事
雪時猶與送歸人寧知悵別詩成後卧倩
傍人寫不真

送石谿米幾一疾不起
詩在壁間非親筆矣

落落君才還造化翩翩無復意飛騰百年家
學徒爲爾半紙功名總不勝苦志豈甘辭絳
帳精魂長似繞青燈後人空抱遺書泣手澤
依然讀未能

送葉魯峯暫還吳中時爲藩國教授

遠道薰風迎去轡清淮華月映孤航津亭碧

柳烟光合海國黃梅雨氣涼得意詩篇官獨
冷壯遊天地興偏長遙遙千里頻翹首不忘
尊前醴酒香

中秋同諸文學邀王鳳洲使君北臺讌
集

玉輪直上當空圓蟾光牙繡相新鮮良宵不
負清秋節佳句初裁白雪篇海國照臨承世
澤野人接引媿時賢只將斗酒勤渠意共聽
高談尊俎前

次日得鳳洲見和之作走筆荅謝

曉起開函光陸離右軍墨妙右丞詩使君能
下白屋士好月先升碧海涯賸有雅歌非俗
狀敢云痛飲是吾師賞心樂事知無幾嘆惜
清圓夜夜虧

九月望日呂東野主社賞菊

湖海交游舊得名草堂高會總群英酒杯皓
月十分滿詩思黃花一味清客散獨留移短
席夜深相對話閒情枕中悟我紅塵夢長鉞

都應媿此生

同羅山父登雲門二首得雲字

名鹿齡
丹徒人

清秋款段喜逢君
麗藻新詩處處聞
遊覽獨慙東道主
行藏已勒北山文
乍臨絕壁疑無路
直到諸天不見雲
還望蓬萊如在眼
微茫定有列仙群

得門字

執手來登山
上軒却從絕頂俯
郊原一秋積
雨溪流急萬壑
淒風木葉翻
郢客不辭歌白

雪海天何事近黃昏寧知此去深相憶日日
悠然見洞門

冬日董孟才携酒同李舜卿賞菊醉揮
以歸

黃華主人尊不空白衣鄉相傳郛筒已見米
霜催晚節寧知盆盎奪天工詩魔飛出碧霞
外醉魄歸來皓月中何物麗人笑相向花枝
壓帽披香風

歲杪三過紀臺馬上口號

山色遙連四野開
水聲長繞故城隈
前朝後市今村落
衰草斜陽古殿臺
千載廢興誰復念
九原珠玉總堪哀
玄冬天氣冰霜少
匹馬行吟幾度來

壽封君李南溪二首

子歷城今先世臨淄人

海天雙鳬飛且還
爲報仙翁今駐顏
丹霞穩護白鹿洞
紫氣長遶青牛關
堦前流水塵不到
世上浮名心自閒
花縣沉沉春晝迥
試將牙繡舞班爛

春色平分花事繁綺筵迤邐傍文園雅歌但
賦南山什壽酒新開北海尊喜近湖臯饒勝
跡却從蓬島訪仙源吏人共說承歡久華燭
高擎月在門

題沈南湖輓親冊

先爲縣令擢御史
時以憲僉鎮青州

天上紫泥緘玉璽庭前碧草映金袍烏臺中
外新承寵晃舄東南舊著勞彩袖影隨江月
落白雲夢繞越山高頻年海國源經理何事
臨風聽楚騷

駕鶴相將入極遊天書遙下鳳池頭烟籠槐
榭恩光繞露裛庭瑞氣流遺簡獨存塵蠹
滿殘機不動網蛛浮三千里外雲何處五十
年來慕未休

春閨三秀園亭小集曠然感懷即席賦
謝

百二春光不厭遲紅荆嬈娜翠飛絲當年結
社論文地此日投閒感舊時
漫薄遊已自笑文離長松箇簪
千尺迥出

繁華色更奇

送縣尉余草亭南歸子梅崗刑部主政
雁度遙空夜未霜幾回清夢到江鄉
蓴鱸忽漫牽秋思松菊依然靚晚芳
哲嗣瞻雲迎去旆慈親計日認歸樞
褒封即有紆青紫便作班衣獻壽觴

九日

形勝都將此日攀黃金臺畔紫荊關
地因愛酒偏宜黍天爲登高合有山
秋氣爽清雲去

盡晴光澹蕩鳥飛還
狼烽萬里無消息
獨立西風耐醉顏

送陳進士東歸

搖落高秋塞草腓
張筵臨水送將歸
河橋此去家千里
海國遙看山一圍
無那曉風吹鬢
髮獨憐畫錦有容輝
九仙五朶深相待
更勒詩名上翠微

九仙五朶
二山名

齋居喜雪

夙夜在公寔塵務
沉沉齋閣興深思
只愁無

綠苔天意不敢先題喜雪詩宦情自是魏前
哲民病於今已後時若得方春多霖霖定應
優渥慰農師

雪後易州道中

連朝積雪不盈尺寒光晶晶四望賒西山北
山有玉洞千樹萬樹生琪花縣吏驅車教相
問野老仰天謾自嗟莫道無衣難卒歲即看
遍地起桑麻

贈送陳廣文橫厓之崇仁

卓犖聲華南斗邊
幸於燕市識高賢
兩京浪跡二千里
一舉知名三十年
健筆驚人龍夭矯
生綃觸意鳳飛鸞
五陵花酒渾無賴
贏得江鄉苜蓿鮮

同章廣文談蜀中之勝浩然有往遊之志
因讀韓司封待祿堂記便喜胡芝亭至此
即圖一晤而芝亭以覲親之任明發戒行
未果良覲率爾有賦二首

風物蕭條北地寒
野人猶自媿微官
古來只

有錦城樂世上無非蜀道難石鏡應憐衰髮
白霜楓解比寸心丹何當細問君平卜贏得
清時好掛冠

見說西川多勝跡中宵飛夢浣溪傍嵐光萬
里清暉閣文物千年大雅堂山斗聲名彌宇
宙蘇湖事業重綱常凌晨悵望頻搔首漠漠
無端塞草黃

次韻呈劉石圃

開國千年報主心訐謨奕葉振徽音登壇

早繁蒼生望結社偏宜野客尋遂有西崑賡
麗藻不妨東閣散塵襟小山叢桂梁園月矯
矯聲華滿藝林

次韻荅謝周與麓諫議見訪之作

長嘯依違杜若洲燕雲海色望中收十年岐
路存羸馬千里冰霜擁敝裘敢謂公車推國
士緬懷京縣足朋遊彤庭獻納無多暇白雪
新裁調轉遒

龔玉淵席上賦贈

寒光清徹竹窓虛不遣紅塵到索居五色祥
煙瞻象魏三年梵穉富詩書宏詞海國時名
久斗酒燕臺夜話初見說上林春事動漢宮
獻賦待相如

金陵楊望山亡兄執友也訪余隆福禪
林余亦詣靈濟宮未遇既於玉淵席上
晤言及夕有愴舊懷二首

我昔渡江髮及肩君今把臂雙華顛孤踪旅
泊幾千里一別塵勞四十年自信馮唐難却

老始知揚子未離玄相逢且盡樽中物相送
禪林月色鮮

高人卜居近上清我亦跨馬趨神京何當不
酌青州酒底事長懷白下城每誦鵲鴿成求
歎重聞伐木暢離情殷勤爲問山中藥誰遣
微名滯此生

雨後集蘇鴻臚第望西山有作

夏木陰陰聽午鶯長空漠漠望初晴芬芳花
氣侵歌席迤邐山光接禁城世契三蘇新結

社文章二陸舊蜚聲相看座上揮毫者絕勝
當年洛下英

題楊思萱便面

記得當年遊俠斜嬌姝並坐闔容華何郎玉
彩疑勻粉潘令風情愛種花作意揚眉偏學
月無心整髻故低顰天街走馬爭相羨人在
青樓窺絳紗

孫劒峯席上咏梅得筵字

沉沉東閣來高賢江上小梅相對妍和月移

從千里外乘陽開向百花先烟籠瘦影頻傳
燭雪逐幽香細撲筵絕勝灞橋詩骨冷夜深
留得飲中仙

次劍峯詠梅韻

當筵歌舞轉鳴鑾四海交遊共此歡何處梅
花開上國中天月色滿長安金吾輟禁春偏
未銀蟾波夜向闌可是幽香撩客興折來
猶帶醉顏看

鹽山道中感懷

經行盡日少間闊望極平疇恨轉添豈有野
花紅勝錦可憐陸地自於鹽賜履太公虛北
至敷文神禹亦東漸烝黎何計供租稅窮老
羞將歲事占

春日出北郭登焦山謁隱君祠

款段紆徐度野塘幽花細草夾堤香春山行
入寺煙暝霽月光隨江水長絕壁祥嵐呈法
象虛檐清籟動琳琅何年作賦能招隱此日
瞻依到上方

同諸生登焦山絕頂吸江亭

暮春之月春服成相將歷歷登蓬瀛要從玉
兔輪中轉還向金鰲頂上行萬里天風鳴雜
珮四圍江水濯塵纓晚來借得支公榻夢覺
遶遶夜氣清

訪郭五遊不遇

占得名山最上頭下方環抱大江流禪房空
鎖陳蕃榻道岸先登郭泰舟鎮日煙霞成變
幻兼天波浪任沉浮幽人不是甘岑寂好鳥

間關足唱酬

同呂南東由金山放舟海門留宿焦山

寺

車馬驅將三月過登臨無那故人何
春來春去陰晴半江北江南草樹多
地接海門飛畫鷁山從水面擁青螺
高情莫以前期負好向沙頭理釣簑

山中再訪五遊不遇

我亦翺翔好遠遊羨君獨往更悠悠
齋堂雨

過蝸粘壁島嶼雲連蜃作樓結社定應招郢
客懷人猶自唱齊謳南來欲借江山助只有

微名媿白鷗

五將別號獨往
生常居焦山

送王方齋北歸

雪霰霏霏辭帝鄉楊花滾滾渡錢塘浮雲
不似宦情薄流水渺如別恨長直道歸來方
鼓櫂故人相見且稱觴綠江山色供詩興風
入蓬窓杜若香

東招郭五遊

幾度尋幽不厭頻
清江浩蕩隔風神
郡齋亦有談玄處
城市非無大隱人
壁水橋邊春雨滑
日精山上夏雲新
光陰流轉渾無賴
到此閑行任爾真

山中偕甬東遲姚長山不至

長山主人期不來
翩翩二客凌崔嵬
松下雲深不知路
天邊日落還登臺
千尋空闊龍潭靜
一望迢遙鳥道回
吳楚東南形勝地
側身懷古心悠哉

聞鶯

江城四月聽鶯初，猶有春光數日餘。
北地也應今見汝，東風無那轉愁予。
飛花細逐韶光盡，勝地翻憐樂事疎。
千里故人消息至，郡齋時復憶山居。

送王三樓閩僉書

王翦提兵六十萬，征旗縹緲楚江湄。
瑯弓射浪鯨鯢遁，獵騎衝風豺虎悲。
三峽妖氛開絕域，八閩版宇屬清時。
天威薄海烽烟息，画

鵲安流好賦詩

奉和郡守明翁同登焦山謁隱君祠次韻

廟貌高居萬仞山維舟沙際共追攀
清涼虛籟僧初定浩渺危波鷗自閑
客至乘春如有待興來薄暮不知還
流風千載存瞻仰賦得新詩一解顏

黃見源再過小齋而余闕一造謝微名
羈人無論遠近雨中話舊漫賦此章

欲渡西津屢未能
閑官猶自覩良朋
微茫一水成䟽越
咫尺三山阻共登
每憶春風燕市酒
重憐夜雨郡齋燈
高情從此頻過訪
首宿盤餐恐不勝

聽蟬

一上危樓暑氣驕
平臨木末聽鳴蜩
念余僻性成踈拙
愛爾長吟破寂寥
高蹈有時吞沆瀣
幽棲無意薄雲霄
候蟲亦解吹陰律
響徹空林起夕飈

寄送蔡瑤石奔訃南歸

曾於京郭接風神同是長安失路人
天署玉堂兼密勿雲章鉛槧擅清新
憐君晚作明時器顧我虛慙薄祿臣
咫尺丹陽不相見孤舟倚杖重沾巾

立秋

地隣碧殿隱蓬壺門對青山展畫圖
正避炎蒸開小閣即看秋信到高梧
凌晨自覺風光別入夜偏憐月影孤
惆悵江南非故國也同

張翰美尊鱸

謝蔣山人酒醋之惠

陶令長閒漉酒巾，微生無復乞醯隣。
郡齋忽訝藏蕪味，苜蓿都應厭主人。
和鼎媿非巖下士，開尊分得甕頭春。
詩懷已併秋聲至，未似清香觸興新。

同李環洲登金山江天閣時自地曹起
調吳郡博士

雲日踈踈雨氣沉，江中傑閣迥千尋。
東吳望

郡分三輔南渡羈人共一臨高視誰言天道
遠壯遊更覺聖恩深虞廷敷教司徒職萬
國同文振古今

代祠焦隱士光

每登絕巘懷前古再拜高賢感廢興
遇主即如商一德匡時定慰漢三徵
清江猶自存遺廟舊事惟應問老僧
血食千年昭聖典
恩波咫尺望鍾陵

次司空林肖翁焦山之作并和郡守秦

明翁

當朝滾滾文章伯到處傳留金石銘妙響真
從三昧得勝遊偏喜二難并秋濤擊濯生香
霧夜壑參差粲列星懷古不妨頻眺望愛奇
聊復坐岩扃

中天亭

在焦山絕頂丹徒令尹
陳侯創建屬余立名

高標迫絕中天亭仰接赤霄踏巨靈棲神八
極納五岳轉盼四游低萬星金鼇西盤石齒
齒玉龍東逝波冥冥千載垂名下山去蘋花

風起香塞汀

九日用杜韻

同諸僚登同精
山二子侍

當歌莫訝酒杯寬
佳節高朋罄此歡
泛菊已能忘肉味
插萸應不笑儒冠
門牆深鎖桂叢
滿几席平臨松頂
寒即有千家負城郭
悠然只作野人看

再遊甘露寺送王竹區明府得然字

蘆荻花深起暝烟
江南離思正茫然
九天閭闔龍光近
萬里雲霄雁陣連
法界生香留客

靜浮圖捧月向人圓
竹岡賸有幽棲地擬結
他年物外緣

竹區留別席上各賦一物分得楓

坐愛清江映晚林
天風聶聶正蕭森
翠柯直上凌高節
丹葉長懸炳寸心
威鳳來儀瞻聖代
羽仙翀舉謝幽岑
含元殿外趨楓陛
未必秋光有淺深

再遊金山初登海月樓

窈窕青山幾度遊
不知僻處有瓊樓
一江遙

接三江水十月深藏九月秋林薄風聲隨浪
息菊花香色傍巖幽天涯獨立還凝眸落盡
寒潮起暮愁

夜登絕頂留雲亭

亭在丹霄第幾層
翛然吾與月同升
望中更覺天無際
立處惟愁地不勝
風靜沉沉聞梵磬
雲開隱隱見漁燈
更情最喜滄洲近
欲託幽棲恨未能

宿伴雲僧舍

頗怪登臨太有情欲於此處學無生滿階霜
月寒猶薄拍枕風濤夢亦清裊榻渾遺浮世
幻詩題喜見故人名從來借宿知多少別却
山房百感并

和姚秋澗乞休得告志感之作二首

蚤歲雕龍伎已成向來詞賦擅西京杜門便
喜還鄉國遁跡無妨住石城禮度久拚違
聖世清修應不負平生閒身坐嘯歸雲洞猶
是當年老客卿

下馬歸來解玉珂中林高卧醒煩河清曹已
覺塵埃遠舊隱應便意興多斜月娟娟明水
竹微風習習颭池荷江南却有思歸客隔浦
猶聞勞者歌

秋澗南京人丙寅
夏致南鴻臚政

壽大司馬郭似菴七十二首

海天迢遞有輝光瑞靄徧浮綠野堂勁節卻
金楊伯起精忠貫日郭汾陽九重恩命優元
老三島仙人獻壽觴可是東山高卧穩獨能
無意任綱常

安車千里賦歸來正際熙明壽域開愛國詎
能忘柱石起家元自近蓬萊東溟淑氣鍾靈
哲南極祥光燭上台百尺長松瞻節幹年年
青入五雲隈

聽沈曉山說天台鴈蕩之勝詩以識之
偶逢座上南州彥聽說天台鴈蕩遊足底石
梁愁絕眼前巖瀑識靈湫桃花正吐千山
滿竹寺深藏萬壑敢謂閑官好登眺定知
吾道有滄洲

盆桃

小桃也自領春風太比凡花分外紅總爲卑
技親地氣却憐弱質擅天工纖塵不到芳堦
下清露都沾淺土中懶性頻成詩思溢賞心
莫放酒卮空

春雨

三日風聲太劇顛一春花事半瀟然夜來不
斷霏微雨曉起新看長養天已報放衙公吏
少更堪開徑主人賢無端幽意牽吟興誓下

小桃謾自妍

清明

江南忽忽清明節客裏悠悠歲月心勝事只
於官舍遺韶光揔爲髭毛侵梨花著雨開將
盡燕子愁春飛不禁莫厭廣文太蕭索小窓
時復一微吟

曉山携榼客署詩以謝之

共是悠悠客裏身天涯相對自相親山城趨
走風光轉官署徘徊柳色新元亮有情傳綠

酒鄭虔無俸買青春清明前後霏霏雨觸目
鶯花冷咲人

題張柳溪雙壽卷

乃郎給舍兩年中
再受勅封之命

九重寵錫年年事長慶遭逢仰至尊恩溥
兩朝唐墨勅爵榮再命漢黃門靈椿老榦侵
南極萱草清芬漾北軒奕世流芳方自此芝
蘭叢裏弄曾孫

九日同金野舫登日精山

山藏曲磴萬松幽客子相呼感昔遊此日登

臨逢九日高秋搖落歷三秋
紫萸黃菊羞華髮
濁酒新詩遣薄愁
西北浮雲還在眼
江光如練掛城頭

十日同尹遇齋諸僚友復登

九日纔過猶自閑
客來不厭更登山
新交便喜襟期合
舊侶頻驚髮鬢斑
病起未能忘竹枕
秋來長是掩松關
躋攀偶逸群
公後始覺神遊霄漢間

首尾吟
卷示姪履先人及不肖輩三仕

爲令皆以不染解官履既領固安私
竊憂之間政於諸父余曰守在已知
不知在人一涉顧慮萬事將裂奚其
爲爲政爾執此往矣質直示意寄之
話言弗工於詞弗顧也

一毫不染是根基畢竟湏思未仕時但有微
官叨養養總然薄祿勝鹽虀俸薪以外皆貪
墨門第無私即政規家世相傳清白吏一毫
不染是根基

一毫不染是根基莫以懲羹忌冷釐豎瑾竊
權廡吏放逆嵩當國哲人悲方今聖主
隆新政况復端公輔盛時正好激昂承世德
一毫不染是根基

一毫不染是根基完節全名慎莫虧玉女守
身防玷缺珍禽惜羽避塵緇當官自古惟三
事立國從來有四維七字銘心常自檢一毫
不染是根基

一毫不染是根基義利關頭更莫疑學道至

今須體驗觀人於此別妍媸脚根立地常堅
定心跡通天自坦夷報國承家都付汝一
毫不染是根基

喜吳虎臣至又以爲別

最喜北風能送客天涯時復對知音緣攻詩
律通三昧爲愛交遊散萬金京口看山秋色
盡廣陵回首瞑烟沉相逢不似別離早南去
扁舟惆悵深

得舍弟家信二首

南北音書久寂寥。天涯魂夢度寒宵。鵲領原
上七年別。鴻雁空中千里遙。老去未應親簿
領。歸來只合問漁樵。海山深處烟霞煖。不待
東風長藥苗。

百二關河爾壯遊。一江烟水正悠悠。他年自
比雙黃鵠。此日相思兩白頭。已識功名爲長
物。莫教老大轉深愁。向平未解忘婚嫁。何日
三山訪十洲。

海浮山堂詩稿卷之五

五言排律

瑞室詩

霞川子以瑞室事相示余甚異之及觀霞
川子之所撰述而聽其言論因不復異瑞
室事霞川子應聘如齊著不刊之典歷古
所未有而今有之諸所煥發皆足以黼黻
王章羽儀吾道席玆懷寶不足方其瓌異
是殆天下瑞也齊野史氏曰薛氏之始系

於齊今齊猶有能承其志者爲古今右姓
霞川子之先作德不怠明神庇之室用不
燬以迄于今是稱瑞室蓋自齊遷越而顯
於唐宋間云瑞室以來又數百年代有偉
人而霞川子嗣興薛氏之瑞豈直一室云
乎哉乃今霞川子適齊爲齊郡志傳之有
未殆非偶然者余因是播之聲詩併述其
事題之瑞室語云地靈人傑信然哉信然
哉

一室動天地千年迥異聞池魚故無恙玉石
不同焚精衛長呵護堪興絕履氣德優恒履
吉澤遠自流芬昭代繁簪笏前朝盛典墳雲
仍恢大雅奎壁麗斯文學富周藏史書方晉
右軍詩篇得郊陝道義重河汾始奮圖南翼
終空冀北群千旌輝白賁結駟走玄纁雄覽
需司馬冥搜必子雲青陽新作賦赤牘屢垂
勲變魯臻王道聞韶仰聖君多方今曠蕩神
化日氤氲禹甸環龍馭堯田足鳥耘東南來

藻彥西北近陶薰世契真吾忝幽懷罄所欣
論心殊未已促膝誰能分彩筆題金檢締章
刺繡紋承家與華國爲瑞已紛紛

乙丑中秋李陽坡太守雲坡給舍席上
玩月賦謝十二韻兼呈張竹亭吏部陳
芝嚳憲使劉海山京兆三君子

蟾窟曾聯步龍門今共登平生期不淺此夕
興堪乘古調推康樂秋風感季鷹諫垣方注
壘京兆已先徵憲度清三晉英標邁五陵相

將人似玉況對酒如澠花影涼逾醉杯光碧
欲凝笑談惟有託離合苦難憑莫問圓仍缺
應知墜復升看山兩不厭涉世一無能席敞
樓陰轉衣單露氣蒸醉歸還並駕指點絳河
澄

壽江都郝封君二十韻

先世金臺人
其子登進士

南極胤文昌仙源接帝鄉堯天新泰運禹甸
舊維揚逸德隆昭代耆英嗣典章福田欣有
穫壽域願無疆老桂周三事靈椿實十郎永

綏綿鶴筭殊錫被龍光棟藻輝綸誥庭藻燦
繡裳苑堂開綠野林麓跨朱方流水將心遠
薰風引興長芝蘭能並秀橋梓必聯芳鳩杖
依瑤席龐眉映玉觴更畚耒扇隔坐奏絲簧
湖海交遊合乾坤姓字香襟期知脫灑氣
韻見軒昂翠栢移穠蔭丹葵吐艷陽片雲蠲
溽暑一雨度微涼爛熳春何限沉酣夜未央
岡陵勤祝頌泉石足徜徉嘯傲心猶壯登臨
晚更康燕山桑梓在北望意飛翔

午日姜茅諸子邀余及僚友集金山寺

姚長山鄔石汀與焉紀遊二十二韻

夏正臻嘉令吳門結勝遊江山有今日風物
自南州列嶂蟠京口通津控渡頭天工從此
見地軸忽焉浮絕壁金焦峙高標殿剝幽真
空虛上界法相湧中流濯錦晴霞絢溼波宿
霧收賞心聯鶴駕遺俗競龍舟簫鼓濤聲雜
旌旗水魅愁三閭招正則千載泣靈脩露港
停漁市雲帆起掉謳太平多樂事曠達縱吟

眸習靜依蓮社牽芳近杜洲因之睇緝髮何
必訪丹丘麗藻推姚合閑吟得惠休群英聲
籍籍四顧興悠悠寶樹環分席珠林錯庶羞
泛蒲聊復爾剥黍更相留稍倦猶登覽清酣
且獻酬僧呼龜到岸客指履成樓遐想無輕
羽卑棲豈壯猷臨淵都不羨來往玩雙鷗

吟社諸翁招余雅集屆期奔命江上弗
果如約乃甚悵惘薄暮間道至社應門
者曰諸公移步彌陀院矣復驅馬紆途

造寺而主人各歸去翌日乃辱見惠諸
作同用心字余方自外來得此而喜勉
和以謝忘其憊之甚也

歷歷江城彥翱翔滿藝林名俱高北斗價
重南金雅調知難和幽期許更尋頻開白蓮
社應共紫芝心遠水澄秋色前山起暮陰主
人歸偃蹇車馬尚駸駸

和吟社諸公彌陀院七夕聯句次韻

避喧乘爽塏結伴叩禪林淨業銷殘暑多才

澤山堂集卷六
慰賞心具宮華月上梁榭澹烟沉秋至題紈
扇宵征抱錦衾綵樓高爛熳桂殿迥清深願
乞千年藥爭穿九孔針渾淪天已鑿巧僞日
相尋自是人情異非關節候臨法筵聊共息
機事莫教侵寄傲該玄學賡歌敞素襟柴桑
白蓮社芳躅到于今

送王竹區謁選北上得流字

聖代開麟閣風雲起壯猷高名具季子良吏
漢諸侯馴雉他年化仙鳬此日遊楓宸瞻上

國桂楫擊中流曙氣侵行色秋聲綰別愁有
懷初結社相望一登樓

送蔣伯源如京師

莫惜南徐別徧憐北闕行出門朝旭上回首
夏雲生鳳翥金山寺龍盤鐵甕城按劄知秀
色覽勝得奇英地以川原麗人多氣骨清亭
前香陌轉宅畔大江橫長者時投轄幽期每
濯纓虛窓流月影高枕壓濤聲經史家稱富
琴尊道自亨聖朝耽釣隱蚤歲博詩名結

客開三徑談文遡兩京雅懷塵外洽妙句座
中驚怪爾凌晨至欣余倒屣迎病軀良偃蹇
衰髯更分明執手辭親昵擔簦賦遠征片言
皆唾玉千里共心旌青岱光堪摘黃河勢可
傾壯遊真放達雄視必崢嶸醉裏眠芳草吟
邊采杜蘅大方歸俊傑上國動公卿慷慨趨
臣節依違逐世榮乾坤容浪迹海岳見交情
策馬添新恨登壇憶舊盟相思一以望迢遞
暮煙平

五言絕句

宮中樂

瑞氣浮千殿，鈞天下九重。
靜聽人不語，忽動麗譙鐘。

自君之出矣

自君之出矣，不復下君堂。
思君如燭耀，安能揚末光。

自君之出矣，長自歛蛾眉。
思君如日月，流轉無已時。

水精館

亦山園雜詠
爲楊中丞題

錯落涵碧滋離披滴瓊乳
山人抱風醒不知
夜來雨

古木新祠

表海家聲舊叅天
喬木蒼清時便伏
臘芳藻足烝嘗

豹屏

山風夜有聲
向曉匝玄霧
莫使采芝人
傍徨山下路

蒼龍頂

錯擬領下珠
沉沉水中月
靈氣奪心神
澄潭鑑毛髮

南極老人

炯炯南極星
燭地化爲石
碧蘚繡仙裳
長松倚杖策

五嶽真形圖

五嶽游囊雜咏
爲郭山人題

嶽神降靈跡
洞天叅玉冊
真宰不在山
寄示山中客

杖

迤邐來山中同來復同去莫作乘龍行白日
恐神舉

衲

一衲歷四時祛袖常不完雖無紈綺麗不知
暑與寒

瓢

重憐濩落姿那謝瑚璉器得意長相從忘形
莫輕棄

鋤

採却靈山藥去
刷月中華歸來三詔洞言煉
黃金芽

觚

有酒豈必醉
無酒嫌獨醒
醉醒人不識
因之養性靈

中林堂

仕隱園雜景
爲魏秋澗賦

堂深杳何許
灌木長十尋
八窓分秀色
四壁交清陰

玉林

亭亭蒼玉寒
箇箇碧琅玕
籀龍飽春雨
威鳳足朝餐

鶴逕

露下清夢驚
涼颼滿玄圃
夾逕花正芳
等閒莫教舞

茶泉

素綆直如弦
珎重莫汲邊
寧知建業水
酷似中泠泉

春雨畦

雨從深巷來生意正瀟灑
高卧綠簑中連朝抱甕者

借眠菴

夜寂心獨惺地偏機亦息
雲來不掩扉幽人倘相叩

洗硯磯

科斗象文字蟲魚自頡頏
應龍行作雨陣陣墨花香

柳浪堤

流麗黃金堤輕風吹不竭香絮一以飄浪花
團白雪

歸雲洞

雲根不在天無心偶出洞歸去自悠悠封姨
莫相送

鷺群閣

鳥跡藏心缺縱橫筆陣圖臨池摹內景玄鮮
玩丹跗

鷗波

逐侶來何急忘機去自遲
風生波不定化作碧淪漪

浮玉橋

尋幽度石梁藻荇闌干濕
白鷺窺紫鱗嘶飛來上立

容輿臺

浮雲天際開帳望一登臺
靈脩杳何許美人期不來

觀生處

大道乃自然何思復何慮悠悠本無生觀生
亦無處

思玄堂

寂寞子雲亭蒼蒼老客星金門辭待詔白首
草玄經

芙蓉館

桃李穠華歇庭除水色幽孤芳真自惜歛
不勝秋

海月樓

幕從海上來
朝向海中沒
大地貯流光
好作銀蟾窟

秋影亭

澹淡既交砌
蕭疎亦上窓
俛仰天地間
雲物自成雙

貽獨往生

入城不過訪
頗以爲訝

不見獨往生
依稀想幽事
買藥遊江城
夜宿城邊寺

訪蔣山人不遇

借朱
見汀

三徑傍山開空今二仲田垂蓮應竊笑窺鷺
莫深猜

夜坐

風動蛛絲落夜寂螢火飛中庭坐來久零露
沾裳衣

登山

閑上日精山江光隔城入稍却市廛聲吹裾
風習習

六言絕句

嚴廣文石谿別既多年晤在邂逅未盡
傾倒乃復別去爲賦六言四章

胸陽十八年別京口二三月過嘯傲江山有
待悲懽故舊無多

對拭一雙青眼相看兩地白頭今昔交情耿
耿浮沉世路悠悠

晚節琢磨好句平生暢達幽懷縱不流連村
酒何妨信宿山齋

豐豐論心此地依依把臂何年清曉山松掛
月殘春江草含烟

每訊崙山歐廣文消息蕪懷中翰黎瑤
石四首

嶺表八九千里廣陵二十四橋風好幾番掛
席月明何夕停撓

片片雲飛絕巘聲聲雨滴空齋江北江南極
目潮來潮去縈懷

黃金臺下結社白玉堂中訂盟尋常相對山

色咫尺共聽江聲

素魄流波千頃美人在水一方近別不知隔
歲新期况復同鄉

齋居夏夜七首

對立長松百尺旋栽新竹千竿山月一鉤初
上江風半夜猶寒

日暮空階雀啄雨餘小院螢飛南州宦况已
薄北地遊人未歸

巖際烟光低戶江干暝色入樓好月故侵書

案清宵不下簾鉤

拂拭露華欹枕嘯傲雲林賦詩蛙聲數部鼓
吹水色千頃玻璃

東流江水帶郭南去雲山結屏風起漁人吹
笛夜深估客揚舠

高齋塵務頓息久客鄉心若何錯落星輝閣
夜清冷露下庭柯

薰風忽爾盈盈簾華月悠然在門僻性不堪吏
事閑官深荷君恩

七言絕句

送王淮川入覲六絕

歷歷金門平旦開
霏霏紫霧遶三台
垂衣幸際軒轅世
玉帛遙從萬國來

海國蕭條野色清
孤臣何以荅昇平
慙一點蒼生念
不博當朝赫赫名

雲裏雙鳬飛不驚
誰知僊令往來輕
紅塵車馬如流水
盡是閭閻結束成

道路猶傳羽檄頻
書生何計息邊塵
聖皇

側席思良將便殿時聞閣武臣

齊楚諸侯入建章相逢萬里各風霜即從北海通南海便逐鴈行整鴈行

甲第旁開百道分城中車馬豈堪聞朝回客

邸渾無事盡日緘情望白雲

時太夫人在堂乃弟爲石首尹同入觀

柳枝詞八首

輦路如弦望不迷兩行煙樹夾平堤玉驄暫
憇清陰下金線千條拂尾齊

長養新承雨露恩行人一折一銷魂勸君莫

遣輕拋擲，插向河橋，自着根。
靈和前殿闌芳菲，想像風流，拂翠衣嫩色，細
和烟色，暝柔絲斜逐雨絲飛。
枝頭相對坐，流鶯送客，聞關啼數聲，只恐長
條攀折盡，離人從此不牽情。
曉向東風，曳舞衣晴川如鑑，照容輝脩疎眉
宇分雲黛，綽約腰肢，恰一圍。
底事飄搖西復東，長年浩蕩，領春風都將飛
絮紅塵裏，散作浮萍碧水中。

當空可憐楊白花飛飛此去落誰家不知栗
里門前樹風雨淒涼啼暮鴉
鶯老春歸思渺然空懸斜日咽新蟬庭柯昨
夜涼風簇搖落于今又一年

采桑女二首

裊裊青條葉未齊玉纖一摘一攀躋輕盈流
盼褰衣去有箇錦鳩來上啼
簾外東風破曉寒出門猶自覺衣單不嫌零
露沾羅袂只恐柔桑葉未乾

駁催花詩

山徑牡丹零落余偶過惜之主人以催花之作索和余乃駁之云爾

好客尋春春已殘
主人對客兩無懽
不緣詩句催花老
料得花神興未闌

下馬園亭倍寂寥
落紅滿地爲誰嬌
佳人猶自懸清賞
一縷朱纓颭颭飄

無題三首

行到桃源別有春
相逢不是避秦人
當歌一曲流雲住
醉筆淋漓妙入神

江蘿作幃葯爲房
貯得幽人徹骨香
花下詩

狂纔半醉不妨呼酒換金鎗
別院縈紆一逕斜綺窓綽約洞仙家尋幽散
步渾無賴看盡堦前無數花

易水上候劉刺史良父未至懷古感今

漫賦六絕

坐對青山眼倍明水邊相狎一鷗輕問余那
得閑如許來送燕州刺史行
燕昭愛士非真才郭隗爲逐黃金來霸圖當
日無消息蔓草荒榛空復臺

長城深護 帝王居山勢嶄巖戟不如易水
奔流新漲濶行人指點岬沙虛

水聲山色自前朝西望疆秦萬里遙一自荆
卿從此去秋風千載尚蕭蕭

山下平田禾黍稠豐年亦爲小民憂青苗賣
盡誅求在更到新租死未休

不愁餓死似前年穀賤傷農倍可憐握粟出
村終不售寡妻何處覓官錢

再遊招隱寺十首

萬壑離奇隱薜蘿幽期入夏許重過宦情總
爲江山得輸却登臨感興多

頗訝山僧兩兩行焚香作禮下山迎竹窓開
向翠微處望見遊人曉出城

環抱山頭又逕迴田家隱隱葦扉開石梁三
折清泠水知是虎跑泉上來

夾路青松自作行山門咫尺尚深藏忽然寶
地迎朝旭却悟西方是上方

萬木陰森雨氣浮恠來五月似深秋風前借

著高僧衲不換人間狐白裘

登眺慙非作賦才危巒疊出讀書臺
離宮帝子無陳迹纍纍藤花上下開

三洞斜連自淺深空濛長鎖碧雲陰
不教鑿石題名字誰識乾坤有古今

前朝勝蹟遍丘墟僧臘開山九十餘
莫以吾人妨入定欲將半偈問真如

曲水飛觴坐淺莎四山壁立轉嵯峨
皇圖

蕩蕩元無外謾詫風流自永和

恰上前峰俯練湖
亂流百道間平蕪
望中更覺多奇絕
一笑臨風倒玉壺

即事三首

鐵甕城開夜向闌
曳裾昏黑立河干
岸頭一點明漁火
照見荒檣下急湍

京江津吏慣逢迎
小船大船嚙尾行
大船吹角小船避
來去都應趨利名

莫笑微名隱抱關
水邊獨立亦幽閒
夜深片月浮清彩
隔岸高擎華蓋山

陽月姚伯子開繼堂對菊是日楊明府
携酒入社分體二首得憑字高字

九日題詩恨未能秋花秋月兩無憑祇緣冬

首逢餘閏剩却秋光興可乘

是月望前
猶九月也

子雲西蜀草玄豪為謝吟壇載碧醪陽月又
逢重九節不妨把菊復登高

和莫中江大叅即席催梅之作次韻

四首

一夜狂風鳴老幹半塘寒影濯孤清殷勤問
訊春消息坐傍花神好訂盟

衝寒小閣莫停杯凍雪輕勻白玉臺半醉巡
簷笑相向便教春色到紅梅

乍喜江梅著蕊新南枝先報歲前春相逢座
上和羹者不是郊原踏雪人

玉樹蕭條幾歲寒吟邊此日共君看獨憐花
下相逢晚明發江頭別更難

采輯 先皇實錄恭述十首

先朝四十五年事太史蕪收委巷歌黃帝垂
衣玄化遠周王壽考作人多

封章激切捐軀日 遺詔傳宣慟哭時但祝
皇躬千萬歲不妨臣子卹恩遲

顧命追封賞直臣綸音渙汗墨花新感 恩
地下無終極莫羨生存有幾人

議禮明廷半已非舊時諫草錄應稀只今國
是真須定彩筆遙瞻玉署輝

赤芝白朮年年獻玉檢金書歲歲開 天上
忽傳修省勅四方祥異一時來

一代明禋奏九韶兩階千羽格三苗巍巍大

孝同虞舜蕩蕩 皇仁埒帝堯

重華巡守四時遊十二山川十二州勅使御
香分道出 我皇端拱事玄修

文武分符擁巨藩一時面縛出轅門將軍戴
罪儒臣死獨報 天朝養士恩

丹烽無警海無波南北英雄入網羅百粵只
今屯李牧八閩亦自有廉頗

採訪都從萬國來小民無處不堪哀莫言

聖政歸臺閣自是 皇風遍草萊